

## Umsögn frá LS í samráðsgátt stjórnvalda

*Drög að reglugerð um tímabundið bann við  
veiðum með fiskibotnvörpu út af Glettinganesi*

13. júní 2021

Landssamband smábátæigenda (LS) fagnar fyrirætlun atvinnuvega- og nýsköpunarráðuneytisins að takmarka notkun á fiskibotnvörpu innan 12 sjómílna. Reglugerðin er í anda þess sem aðalfundur Landssambands smábátæigenda samþykkti árið 2020.

LS leggur til að reglugerðin verði ekki ótímabundin, þ.e. árleg lokun verði eins og kveðið er á um.

Umræður innan LS varðandi aukna ágengni stærri skipa með dregin veiðarfæri hefur farið vaxandi á undanförunum árum. LS minnir á að notkun dreginna veiðarfæra eru háð undanþágu til veiða innan 12 sjómílna sbr. ákvæði 5. gr. laga um veiðar í fiskveiðilandhelgi Íslands:

*„Íslenskum skipum eru bannaðar veiðar með botnvörpu, flotvörpu og dragnót í fiskveiðilandhelgi Íslands nema á þeim veiðisvæðum og veiðitímum sem tilgreind eru í þessari grein“*

Félag smábátæigenda á Austurlandi beindi málefni Borgarfjarðar og annarra austfirskra smábátæigenda til aðalfundar LS. Í framsögu að málefninu var vikið að þeirri ógn sem steðjaði að smábátaútgerð og þar með hinum dreifðu byggðum vegna vaxandi ágengni stærri skipa á grunnslóð.


Aðalfundur LS samþykkti eftirfarandi:

*„Aðalfundur LS lýsir yfir verulegum áhyggjum vegna síaukins þrýstings til veiða stærri skipa á grunnslóð, veiðislóð smábáta.*

*Aðalfundur LS styður beiðni Félags smábátæigenda á Austurlandi um að ný mörk „Skápsins“ verði við Ósafles 65°37,4 – 13°54,8 og þaðan til NNA í stað 65°45,00 – 13°48,0 síðan réttvísandi til austurs að 12 mílna mörkum. Breytingin gerir ráð fyrir að skipum styttri en 42 metrar og með aflvísi lægri en 2500 verði óheimilar veiðar innan 12 sjómílna í stað 6 sjómílna.*

*Það er með öllu óskiljanlegt að togveiðar skulu vera heimilar svo nærri landi á viðkvæmum svæðum, svo viðkvæmum að í yfirlýsningu skýrslu starfshóps um endurskoðun á veiðarfærum – veiði- og verndarsvæðum, er talin þörf á að vernda nærliggjandi svæði fyrir handfæraveiðum um ókomin ár.“*

Virðingarfyllst

  
Arthur Bogason formaður

  
Örn Pálsson framkvæmdastjóri

